

續修陝西省通志稿

第七十九冊

卷一百五十五至一百五六

續陝西通志稿卷一百五十五

金石二十一

宋

劉忱題名

存熙寧辛亥見王氏金石萃編

在華嶽頌碑楊遂題名之下四行行十二字左行年號一行在前正書共六人

忱即議遣河東疆界者見宋史神宗本紀

畢氏關中金石記

呂贊題名

存熙寧四年

在李滌題名之右五行字數不等左行正書

按呂贊史附大防傳大防父贊官比部郎中家于藍田范育撰大鈞墓表則云考贊贈左諫議大夫宋史大鈞傳又云知三原縣請代贊入蜀移巴西縣贊致仕大鈞亦移疾不行不知贊又任蜀中何官贊有六子其季早死則存者五子而史列傳者四

子惟大觀無傳長大忠字進伯次大防字微仲三大鈞字和叔
四大臨字與叔當大防知延州時此四子想皆未入仕也史稱
大忠大防大臨同居切磋論道考禮大鈞從橫渠學大臨受學

伊川之門

王氏金石萃編

張孝孫題名

存
熙寧四年

在邱據題名之右一行年號小字書于行下正書

林顏題名

存
熙寧四年

石殘缺僅高七寸廣三寸五分二行字數無考正書

陳絢題名

存
熙寧四年

在唐季蠟題名之左二行字數不等左行正書

蔡延慶題名

存
熙寧六年

在華岳頌碑後紀元之上二行字數不等正書

按題稱東萊蔡延慶宋史蔡齊傳齊字子思其先洛陽人曾祖綰爲萊州膠水令因家焉齊無子以從子延慶爲嗣延慶字仲遠中進士第通判明州歷福建路轉運判官提點京東陝西刑獄此題云治平丁未蓋英宗治平四年事也傳又云神宗初以集賢校理累直舍人院判流內銓拜天章閣待制秦鳳等路都轉運使即此題所載熙寧六年事也

王氏金石萃編

劉航等題名

存熙寧六年

在華岳頌碑首行之左一行三十四字正書

呂公等祈雪題名

存熙寧六年

在石幢程琳已進題名第二面上二行字數不等行書左行共四人

按首題云紫微呂公而不署名趙希弁讀書志載東萊呂紫微雜說一卷爲呂本中居仁之說本中嘗官中書人故稱曰紫微

據此則此題紫微呂公當爲呂本中檢宋史本中傳本中係公著之曾孫好問之子紹興六年召赴行在特賜進士出身擢起居舍人兼權中書舍人則此題之非本中明矣宋史神宗紀熙寧五年二月以知鄭州呂公弼爲宣猷南院使判秦州或即其人癸丑爲熙寧六年據遼史朔考是年十一月庚子朔丙寅爲廿七日當是十九日祈雪而廿七日大雪也秦中祈雪於前而京師紀大雪於後由京西至秦中一路降雪當不懸殊也

王氏金石

萃編

陳紘題名

存熙寧七年

在華岳頌碑爲之頌曰之下二行行十八字二十二字不等正書共四人

按陳紘史無傳亦不見他書其子三人皆用彥字爲名與陳繹同似紘與繹同弟兄行也餘無可考

王氏金石萃編

益恭益昌等殘題名

佚七年

石前缺橫廣一尺二寸高八寸約七行行十二字正書共四人

按此題爲知永興軍府事某奉詔赴闕率其兩子一孫恭謁嶽廟題名惟其名與年號殘缺無考姑就其存者錄之

李侃祈雨題名

存熙甯八年

在華岳廟碑陳繹題名之下一行十一字正書

張叔卿題名

存熙寧十年

在華岳廟碑蔡延慶題名之上五行字數不等正書

郝隨題名

存無年號

在景德口仲卿題名之後二行行六字正書

崔黼題名

佚辛酉重九

石殘缺存高六寸廣二寸餘二行字數不等正書共二人

吳中復題名

存無年號

在景德口仲卿題名第五六行之下四行行四字左行隸書

俞次皋題名

存豐元年

在華嶽頌碑陳敘題名之下二行行十七八字不等行書左行共三人

按俞次皋無攷題云侍親出帥華池而自書其貫爲鄞江據宋史俞充傳云俞充字公道明州鄞人熙寧中累遷成都路轉運使後擢天章閣待制知慶州則次皋即充之子也

王氏金石萃編

謁嶽廟殘題

佚元豐元年

石殘缺僅存四行行七字八字不等左行正書

按關中金石記作孫迴謁祠記戊午爲元豐元年

王氏金石萃編

薛昌朝等題名

佚元豐元年

石高六寸廣四寸四行行五字左行正書

蔡延慶再題名

存元豐二年

在華岳頌碑楊遂題名之後一行二十九字正書

云自龍圖閣直學士涇原路經畧使赴召者本傳延慶以應辦
熙河軍功進龍圖閣直學士王詔入朝攝熙帥不及爲涇原經
畧使者畧也

畢氏關中金石記

王希倩題名

存元豐二年

在陳綯題名之左三行字數不等左行正書共二人

按此題但云判官而不詳其地似屬上下尙有磨泐之文王希
倩無考蔣之奇傳稱字叔穎常州宜興人神宗朝新法行爲福
建轉運判官遷淮東轉運副使歷江西河北陝西副使在陝西
經賦入以給用度邊粟皆支二年移淮南擢江淮荆浙發運副
使元豐六年漕粟至京比常歲溢六百二十萬石錫服三品可

知元豐六年以前正之奇官陝西之時而官爲副使並非判官
可知判官自屬王希倩而蔣之奇當別有官名已磨泐也

王氏金石

編萃

劉陶題名

存元豐五年

在昭應碑崔頴題名之下二行字數不等正書

趙諒題名

存元豐五年

在龐參篆坊前第七行下空處三行字數不等正書

按雲臺觀在華陰縣華山下陝西通志云後周武帝時有道士
焦廣獨居雲臺峯辟粒餐霞常有三青鳥報未來之事武帝親
詣山庭臨軒問道因於谷口置雲臺觀唐宋之亂希夷先生實
修是觀而隱居焉又宋史禮志眞宗神御殿十有四一曰華山
雲臺觀集眞殿此題祠下朝拜必是趙諒奉命奠獻神御殿也

未有押字叔見於此

王氏金石萃編

薛濤題名

元存

豐六年

在司空圖殘詩之左三行字數不等正書

王勣等題名

元存

豐六年

在唐劉士深題名之下八行行四字五字不等正書共二人

陳康民等題名

元存

豐七年

石高八寸廣五寸五行行九字正書共三人

王子文設醮題記

元存

豐八年

在述聖廟標題之下三行字數不等正書

薛休題名

元存

祐元年

在昭應碑下截唐蘇敦題名之右四行行十一字至十四字不等正書

張舜民題名

元存

祐二年

在唐口庚題名之左四行字數不等行書

按史傳舜民字芸叟邠州人中進士第爲襄樂令元豐中在靈武作詩坐謫監郴州酒稅赦還司馬光薦其才氣秀異剛直敢言以館閣校勘爲監察御史左遷通判虢州提點秦鳳刑獄召拜殿中侍御史固辭改金部員外郎以此題證之自號還邠者通判虢州時還邠州之鄉也司馬光之薦當在元祐元年至二年則已左遷後八年歲次乙亥爲紹聖二年其時當是召拜還京也舜民又自號浮休居士書史會要稱其擅豪翰其蹟雜見群玉堂法帖中則此題完美僅泐一字宜亦可貴也

王氏金萃編

游師雄題名

元祐三年

石高七寸餘廣四寸四行五字左行正書

按史傳師雄字景叔京兆武功人學於張載第進士爲儀州司

戶參軍遷德順軍判官元祐初爲宗正寺主簿執政將棄四砦
訪於師雄以爲不可棄因著分疆錄遷軍器監丞鬼章構夏人
爲亂使師雄與邊臣措置擒鬼章遷一官爲陝西轉運判官提
點秦鳳路刑獄參攷宋史神宗紀及夏國傳棄四砦是元祐四
年六月事鬼章爲亂是熙寧元年事皆與傳有錯互此題元祐
三年正月奉使關中不能詳其爲何事也師雄家於京兆關中
形勢故實皆所熟閑嘗繪唐太宗昭陵圖題記于後今附刻長
安志以傳其所著分疆錄則未見也

王氏金石萃編

劉承構題名殘石

存無年號

石高二尺一寸廣六寸三行行六字正書

杜純題名

存元祐戊辰

石橫廣一尺四寸高一尺五分四行行九字十一字不等正書

題云轉運使濮陽杜純本傳云元祐元年范純仁韓維王存孫

永交薦之除河北轉運判官歷徙陝西轉運使畢氏關中金石記

按戊辰是元祐三年閏月者閏十二月也王氏金石萃編

祐晟祀嶽廟題名記已存已

石高一尺一寸廣六寸五行行十二字十四字不等正書

按祐晟不著姓已巳不知何年自號得時閑士亦題石不多見

也下有燒紙保扶等字俗語已見于此時王氏金石萃編

陳知新題名元祐六年存

在唐李口孫題名之右三行字數不等左行正書

呂至山等題名無年號存

在景德口仲卿題名之右五行字數不等左行正書

按呂至山有艸堂寺題名在建中靖國元年故列此王氏金石萃編

口澤仁題名

存
崇寧四年

在景德口仲卿題名之右四行行四字左行年號右行在末行之下錄書

王敘題名

佚
崇寧四年

石高一尺一寸廣六寸六行行五字左行正書

席旦題名

存
觀元年

石週圍殘缺存高九寸廣七寸三行字數無算正書

李傳題名

存
觀四年

在石幢程琳丁亥題名第四面上三行字數不等正書

席旦再題名

存
政和二年

在昭應碑第六行下一行二十九字正書共三人

按史傳旦字晉仲河南人七歲能詩元豐中舉進士徽宗召對

累擢顯謨閣直學士知成都府徙鄭州入見坐進退淹留黜知

滁州久之帝思其治蜀功復知成都以前後兩題名證之前題
爲大觀元年是初守成都時此爲政和二年壬辰歲題乃再守
成都時也子二奎益傳但云益字大光紹興初參知政事傳稱
且能詩而各詩選本皆無其名殆久佚矣

王氏金石萃編

蘇莊等題名

存政和五年

在程琳石幢額上共六面面各四字正書共二人

梁激題名

存宣和三年

在石幢葉清臣題名第一面上三行字數不等左行正書

王正叔題名

存無年號

在沂國公題名之後二行行四字左行正書共二人

按正叔王正叔也宣和時人慈恩草堂俱有題名又按華嶽題
名陝西畢巡撫沅修華嶽廟訖工取篆隸正行殘石之字悉陷

置廡壁不下數百枚今擇其有人地官職稍可辨者錄之凡宋

人題名今存八十八段

王氏金石萃編

永興軍文宣王廟大門記

大存中祥符二年王氏金石萃編

碑高七尺六寸廣三尺七寸六分二行行四十四字孫僅撰文冉宗閔正書張格篆額在西安府文廟

宋史禮志是年以國諱改元聖文宣王爲至聖文宣王五月通封十哲爲公七十二弟子爲侯先儒爲伯

畢氏關中金石記

按此碑大中祥符二年六月立撰文者知軍府事孫僅宋史附孫何傳僅字鄰幾何弟汝陽人咸平元年進士景德初累官同知審官院知永興軍大中祥符元年加比部員外郎代還知審刑院此碑結銜與傳合不書何年代還據碑則二年尙在永興也書者冉宗閔無傳永興軍爲唐之京兆府文宣王廟即國子監舊址碑故云故地雖易舊名尙存民到於今或以監名呼之

軍之有學始于景祐二年范雍知軍時所立此時祇有廟也碑云丁未歲冬僅奉命出守丁未爲景德四年碑又云因開元之舊封增元聖之新號此是大中祥符元年十一月事是時封禪回蹕幸闕里因加封元聖至五年十二月改謚至聖宋史禮志謂以國諱改謚按宋代歷世無諱元者或因是時加號北獄爲安王元聖而改之也碑側三行金章宗時題名內云泰和五年春三十五日春三下脫月字

王氏金石萃編

晉國大長公主設醮題記

存 大中祥符二年 王氏金石萃編

在乳香記左側高品李知常題記之下十行行十九字至二十

按宋史公主傳太祖六女長曰魏國次即公主初封延慶下嫁石保吉太宗即位封許國淳化元年改晉國眞宗初進長公主大中祥符二年進大長公主是年十二月辛巳朔日薨逝此碑